

KOLOSEFO Paulo Ovoli Kĩ Etselε Ema Kolosefo

¹ Ovoli kĩ to yĩ, Paulo, kĩ ndani Kristo Yesu foto onyane ne Baguma kawε onukpε, kĩ bomo Timoteo letsele ye boama mi.

² Botselε ye boamena boe bawaε a kĩ Baguma kpale be akũ, kĩ bideĩ ne Kolose, kĩ bete Kristo bido, bekena omoa mo ye a.

Baguma, boe Olega emo mi konya, ekpa mi lukudo leme.

Paulo Nye Baguma Kole Ne Kolosefo Lolo.

³ Nte boaboa mpaε ne mi lolo daa ni, boanyε Baguma boe Olate Yesu Kristo Olega a kole,

⁴ kitonekĩ bunu ayekĩ mite Kristo Yesu mido, mo ayekĩ miawe Baguma bade a flee kale.

⁵ Kĩ benya loto bekoa onokoali kale a, Kale Wĩ a bema mi a, minu konete a kĩ kudeĩ kɔkpa mi a. Foesũ mi katεkado mo odo dzε ne letsa a kĩ miadã anε a, kĩ bemanε biyi ne ode bekpa mi a akũ.

⁶ Kale Wĩ a lamena anε kabo kawũ babi wĩ, ade kelamena kagba ne katinya kame flee, nde ayekĩ kegba ne mi kame kito luwi a kĩ minya loto minu ayekĩ Baguma amo bati konya, ade minu ke kayo kanu wĩ a.

⁷ Epafra letsa mi fotsa ne Baguma bati konyakamo akũ. Enye boe okoba adzuma okenane kĩ boawe kale paa, kĩ yakena Kristo adzuma a ne onokoali kame ne boe kadokõ.

⁸ Ye libi boe mi ɔɔɔ a kī Baguma Hūhū a kɔa edo ne mi kame a.

⁹ Ne foesū boaboa mpaε daa ne mi lolɔ, kito luwi a kī bunu mi nkā a. Boake Baguma aduli kī ebinya mi adzuni kame mipuli minyi ye, mina nyansā mɔ foletsa kayɔkanu flee a kī Baguma Hūhū a akpa a.

¹⁰ Fukī aafɔ mipuli midzi nkpā nde ayekī Boe ɔlate awe, mikena letsa a kī fɔawo ye anε daa, lokɔa mi adzuma wī adi nye adi aawū babi, mibo anε ne Baguma kanyi kame.

¹¹ Baguma ekɔa ye kobē flee a kī kuto ye kukūkpale kobē a kame epi mi, ayekī míapuli mido ɔwɔle mina ɔwɔle boεε leme ne letsa nye letsa kame.

¹² Mikɔa kawɔle minye ɔlega a kɔle lokɔ nye lokɔ, kitonekī ye lefɔ mikpɔla, kī mimɔ bati a kī Baguma kpale be akū a, míana tsefā ne ye legākanyakɔ ohaī a kame.

¹³ Baguma lenye boe sɔū etomena ɔtū kame kobē kame, ekɔa edo ne ye Obi kī yaátunɔ ye kale a legākanyakɔ a kame.

¹⁴ Obi kī akū bɔtsā bɔna akū akū kadzi, mɔ tokpa kakɔakate.

Oti a Odu Kī Kristo Anε Mɔ Adzuma a Kī Ekena a.

¹⁵ Kristo nye Baguma a kī boámɔ mɔ anε a kutidu. Ade ye nye Baguma Obi ɔtonyade kī yanya fɔtsa flee a kī bebɔa ne katinya kame a akū a.

¹⁶ Kitonekī Baguma tsā Kristo akū ebɔa letsa nye letsa kī lideī ne tite mɔ ode, fukī boamɔ mɔ fukī boámɔ, mɔ hūhū kame kobē, kī fonye

fɔgã, abãã mɔ otumifo. Baguma tsã ye akũ eboã katinya kame fotsa flee edo ne ye awe.

17 Kristo deĩ katinya fomɔ beboã letsa nye letsa, ade fotsẽ ye akũ fotsa flee akena omɔa a.

18 Ye nye asoli a lolɔ, ade asoli a leme nye ye sukena a. Asoli a né eto ye kame, ade enye Baguma Obi ɔtonyade kĩ eyidza eto kanokpa, ayekĩ ye odi aanya lotɔ onyane ne letsa nye letsa kame.

19 Kitonekĩ fonye Baguma kawɛ kĩ Obi ena ye Baguma kutidu a flee odu.

20 Baguma tsã obi akũ, elola bemɔ katinya kame flee kayite. Ade foe nye kĩ etsã ye Obi a kĩ ewula baboane ne asendua akũ a akũ, eyamena lukudo ne ye mɔ fotsa a kĩ fudeĩ ne tite mɔ ode a flee kayite.

21 Ne lokɔ lidi kame ni, mina mɔ lugo ne Baguma akũ, ade minya ye bakesine ne fotsa kpa a kĩ mikakena mɔ tokpa a kĩ mikakona a sũ.

22 Leme finyaa, ne Obi wuda ne asendua akũ a sũ ni, Baguma kena mi ye bakoba ayekĩ yaakpã mi eyamena ne ye ane nde bati kĩ mi akũ kpale, kĩ nfumusulu lalãa mi akũ, kĩ odima leme lelãapuli ekɔ mi koto.

23 Foesũ kene kĩ midza pintii ne mi katekado kame, mitafone mi konete a kĩ mideĩ ne Kale Wĩ a akũ a kĩ bubi mi minu a awe. Ade Kale Wĩ kĩ akũ bide letsã bekpa katinya kame flee a. Ade Kale Wĩ kĩ osumune yĩ, Paulo, ndani a.

Paulo Kena Adzuma Nde Asoli a Osumune Aye.

24 Finyaa, kawole ade yĩ kĩ mmó lubo ne mi lolɔ. Mamɔ lubo ne yĩ sukena kame nkɔa nwũna

lubo a kī lite kī Kristo kī ενυε asoli a lolu emu ne sukena kame.

²⁵ Baguma kena yī asoli a osumune, kī nde letsā ne Kale Wī a akū nkpa mi, ayekī bati flee aanyi Baguma folets a flee kanyi wī.

²⁶ Ade folets a kolawa kī Baguma kōa ekola batidziwa kasinu flee kito ane kōkōkōe a. Lemε finyaa Baguma nye foe kanya etsa ye bati a kī bete ye bido a.

²⁷ Baguma kawε nye kī yanye ye fotsa kolawa mo kōya a, mo foe kukūkpale a etsa bati flee. Folets a kolawa a nye kī, Kristo deī ne mi kame, foesū mideī Baguma kukūkpale a kudi.

²⁸ Ade foesū boade letsā ne Kristo akū kakpa odi nye odi a. Bōneε boe nyansā flee boade odi nye odi katsa be fotsa lemε, ayekī bōakpā be bōnamena Baguma ane nde bati kī bibo ane bekpola, bekena omōa mo Kristo lemε.

²⁹ Ade fukī sū nlamena kapili mo osī mo osī kakena adzuma a, mo kobē kpale a kī Kristo ado yī a.

2

¹ Mawε kī minyi adzuma mo osī mo osī a kī nkena nkpa mi, mo bati a kī bideī ne Laodikea, mo bati nkaε flee a kī binyīna yī mo ane a.

² Male fukī ayekī baado owole, bekena omōa ne odo kame. Fofō bena folets a kayokanu yededeede a kī bike otse ne foe akū a, binyi Baguma fotsa kolawa a kī foe fonyε Kristo moawε a. Fukī nye akū kana fotsa kpale.

³ Kristo kame Baguma kōa ye fotsa mo kōya a, kī foe nye ye nyansā mo kadikanyi a ekola.

⁴ Foesũ mabi mi kĩ mitafõ odima kĩ edeĩ seme leke mi mo fovã foletsa kayokanye.

⁵ Tito kĩ nláa mi kame ne sukena kame malo ni, ndeĩ ne mi sekẽ ne hũhũ kame, ade kawole ade yĩ kĩ mmó kĩ mitsẽ ne osi kpĩ akũ, ade midzẽ pintii ne Kristo katekado kame leme a.

Oti Nkpã Flee Kana Deĩ Ne Kristo Kame.

⁶ Ayekĩ mite Kristo Yesu nde Jlate aye sũ ni, mikena omoa mo ye ne mi nkpã kadzi kame.

⁷ Mine tunu ne ye kame, midzi nkpã nde ye aye, lokoa midza pintii ne mi katekado kame nde ayekĩ botsa mi a. Ne foe kawũna a ni, mikaanye Baguma kole daa.

⁸ Foesũ midã kadã wĩ kĩ odima etakoa katinya kame kadikanyi mo kake pupulidza eke mi miyela osi wĩ a. Kitonekĩ kadikanyi a na to batidziwa temanie katsa kĩ benye bitomena hũhũ kĩ yanya owe akũ a kame, kĩ nné Kristo sekẽ futo.

⁹ Kitonekĩ Kristo kame Baguma kutidu a flee deĩ,

¹⁰ ade mi omoa kakena mo Kristo kpa mi nkpã kĩ ekpola flee ne ye kame a. Kristo deĩ kobẽ kpale ne hũhũ kame kobẽ mo otumi adi nye adi akũ.

¹¹ Kristo kame mikena nde bitsua mi fokpati, nné lekpati katsua a kĩ batidziwa akena mo awe a, mbom mi tokpa a kĩ mikena ne sukena kame a bewola ne mi akũ. Ade fukĩ nye lekpati katsua ne Kristo kame a.

¹² Kitonekĩ, kĩ bewola mi mui a, mimo Kristo bibila, ade ne mui kawola kame a, mimo Kristo Baguma dzela etomena kanokpa, kitonekĩ mite Baguma kobẽ a kĩ ekoa edzela ye a mido.

13 Ne loko lidi kame ni, minye bati ki biku ne huhu kame, ne mi tokpa mo ayeki minye Yudafo ki mila mbla a leme su. Leme finyaa Baguma kpa mi mo Kristo nkpā, kitoneki ekwa boe tokpa flee ete boe.

14 Baguma wola nhilie a ki betsele biyi ki esui boe, ekwa boe koto ne mbla a onukpe a, ade ekwa ewa ne asendua a aku a.

15 Ne asendua aku a, Kristo te kobē ne huhu kame fogā mo huhu kame batumifo a flee awe, ade edo be konyōa ne kanade, ade ekpa be nde bati ki bipili be ndom aye ne ye kawole kame enamena a.

16 Foesu mitafō odima lekā mi ane ne letsa a ki mianya iye miamwa a aku, iye luwi kpalewa kanya, odeto vōē kade fuwi kanya mo Kaweya Luwi kanya aku.

17 Fuki bame flee nye letsa a ki lidei ne liti laya a kuyo keke. Letsa moawe a nye Kristo.

18 Mitafō odima ki ewe ye aku ki ebē mi, kitoneki ena kanyekatsa titiliwu su leko mi koto, loka eke mi ki midola mi aku ne tedake kame misum ode foto banyane. Oti ki odu adela ye aku ne ode pupulidza, kitoneki batidziwa adzuni odi edei.

19 Oti ki odu wai aku ne Kristo a ki ye nye lolō a aku. Leme ade Kristo a ki enye lolō a sekē sukena a flee ana funitsā katomena a. Ade Kristo pini sukena fotsakō fotsakō mo tisi flee ekpota, fōabo ane nde ayeki Baguma awe a.

Ayeki Bóadzi Nkpā Vōē Ne Kristo Kame.

20 Ayeki mimo Kristo liku su ni, miné ne huhu a ki yanya katinya kame aku a kobē kayo. Loka

nde sũ midzi nkpã nde katinya kĩĩ bati miane?
Nde sũ miadi tebala nde,

²¹ “Takena fukĩĩ akũ adzuma, tata fukĩĩ onukpẽ,” ãye “takɔa awe ɔta fɔbebã lɛmɛ”?

²² Tebala kĩĩ flee nye fɔtsa a kĩ fɔawɔ nte bakena foe akũ adzuma, kitonekĩ batidziwa tebala mo fɔtsa katsa fɔane.

²³ Ne kamɔ kame ni, nte odi pi tebala kĩĩ edomɔ akũ, edɔla ye akũ, mo emɔna ye sukena lubo ni, nyansã baũ adi deĩ ne foe kame, lɛmɛ fukĩna kakena lãbumɔ oti yapuli kanya ye sukena kame fɔwetsa akũ kɔlaa.

3

¹ Baguma dzela mimɔ Kristo etomena kanɔkpa, foesũ mikɔa mi ane mite ne fɔtsa a kĩ fudeĩ ne ode, awã kĩ Kristo dzi ne Baguma sɔmɔna a akũ.

² Mifɔ mi adzuni ete ne ode fɔtsa akũ, kĩ nné ne tite kĩĩ fɔtsa akũ,

³ kitonekĩ kĩ miku a, bekɔa mi nkpã mo Kristo bekɔla ne Baguma kame.

⁴ Nte Kristo kĩ enye mi nkpã a, nye ye akũ katinya ni, mi malo míane kanya mo ye, ne ye kukũkpale a kame.

Nkpã Kɔe a Mɔ Awɔɛ Kadzi.

⁵ Foesũ mikɔ tite akũ fɔwetsa a kĩ fudeĩ ne mi kame a. Ade foe nye, adɔpaa kabɔa, fɔtsa kpa kĩ fɔado oti efĩ, sukena odo fɔwetsa kpa, odo fɔtsa kpa mo ane ngbã. Ne ɔnɔkɔali kame ni, ane ngbã nye baviɔ kasum.

⁶ Ade fukĩĩ bame aafɔ Baguma kalɔkpa leya ne bati a kĩ bideĩ ato ɔsĩ akũ a.

7 Ne nkpā kī midzi mitē a kame a, mi malo miboa obla kpa a na odu.

8 Leme finyaa kene kī miafone fukī flee awe. Ade foe nye kalokpa kana, owole kahulu, likesi, bati kavuna, fubusuotsa mo fonyoatsa kale. Ketane kī fukī flee ane ne mi onukpe.

9 Mitakama fova kakpa akū, kitonekī mifone mi tebla koe a awe.

10 Miboe obla voe kī mido. Baguma lamena tebla koe kadani loko nye loko ne ye kutidu onukpe, ayekī mianyi ye kanyi wī.

11 Ne fukī kame ko ni, ntsitsemu adima lelāa Yudafō mo bikī benyé Yudafō, iye bikī bitsua fokpati mo bikī betatsua fokpati a kayite. Ade ayea ntsitsemu buki elāa banovoē, bikī be ane tabinya, mo bikī bidzi be akū akū mo basate kayite. Be flee benye omoa ne Kristo kame ade Kristo leme deī ne be flee kame a.

12 Kī minye Baguma bati kpalewa kī epau, yawe kale leme sū ni, miboa obla voe a kī eketimo foe a. Ade ye nye oti konyakamo, seme kale kakena, kado mo owole boee kana.

13 Mina owole boee mikpa akū. Nte odi fum odi ni, miakoa mite ye nde ayekī boe Olate leme kōa mi tokpa ete mi a.

14 Fukī fobē nye kī odo ena ne mi kame, kitonekī odo aboomu fotsa flee kakpota mo fokpola kakpola wī.

15 Mifō Kristo lukudo a lenya akū ne mi kame, kitonekī ade lukudo kī sū Baguma ve mi ekpota nde oti moa aye a. Minya kole banyene.

16 Mifō Kristo Kale Wī a, mo ke koyakate a flee kidzi ne mi kame. Mitsa akū fotsa, mikpa kode

ne nyansã flee kame. Misã Psalomo tɔnɔ, asoli tɔnɔ, mo Hühũ kame tɔnɔ mikɔa minye Baguma kɔle ne mi tɔwɔle flee kame.

¹⁷ Foesũ letsa nye letsa a kĩ miákɛna ãye miale ni, mikɛna foe ne boe ɔlate Yesu dĩ akũ, mitsã ye dĩ akũ minye Baguma boe ɔlega kɔle.

Bats Badone Kadzi Ne Nkpã Vɔẽ a Kame.

¹⁸ Mi fɔnyo badzine, midɔla mi akũ mikpa mi banyɔ, nde ayekĩ kefeta Kristofo.

¹⁹ Mi batsõ bakɔãne miwe mi batsõ kale, mitakɛna be aũkani.

²⁰ Mi babisẽ, mitse mi bamanɛ ɔledo ne letsa nye letsa kame, kitonekĩ ade foe awo Baguma ane a.

²¹ Mi balɛga, mitado mi babi kalɔkpa, ayekĩ akpɔ leláaveli be.

²² Mi basumunɛ, mibu mi balate ne tite akũ ne letsa nye letsa kame, mitakɛna ane kame keke fɔtsa kĩ bati bimu mi. Mbom misum be ne ɔnɔkɔali kame nde bati kĩ bavila Baguma.

²³ Adzuma adi nye adi kĩ miakɛna ni, mikɛna ye mo mi tɔwɔle flee, nde boe ɔlate miakɛna mikpa, kĩ nné batidziwa miakɛna mikpa.

²⁴ Mite anɛ kĩ boe ɔlate aakpa mi nde kɔtɔkase aye, letsa a kĩ emanɛ eyi ye bati, kitonekĩ Kristo, boe ɔlate moawe a boasum.

²⁵ Baguma aase tɔkpa bakenanɛ a tɔkpa a kĩ bekɛna a kɔtɔ, kĩ oti anɛ kadã leláana ne foe kame.

4

¹ Mi balate mikɛna letsa a kĩ lefeta, mo likĩ lenenɛ lemɛ mikpa mi basumunɛ, kitonekĩ minyina kĩ mideĩ ɔlate ne ode.

Paulo Kpa Kɔde.

² Mina ne mpaebɔ kame mo osi mo osi. Nte miabɔa mpaɛ ni, mi adzuni edza ne letsa moa akū, mikaanye Baguma kɔle luwi daa.

³ Mibɔa mpaɛ ne boe malo lolɔ, ayekī Baguma aabinya osi ekpa boe bude letsā ne Kristo kale kolawa a akū, kī ke sū finyaa malo nwaa kola a.

⁴ Mibɔa mpaɛ mikpa yī mpuli nkpalɛ fɔletsa kolawa kī kame ntsa yededeede nde ayekī kɛfeta kī nkɛna a.

⁵ Minyi ayekī míatsā ne nyansā kame mo bikī benyé bate badone a, lɔkɔa mikɛna osi nye osi kī ebinya ekpa mi a akū adzuma kakɛna wī.

⁶ Mile kɔdzela ne obu kame, ayekī fɔale bati katse, lɔkɔa minyi ayekī kɛfeta kī miakpa odi nye odi mbuayɛ.

Kukūwɔna Nkaɛ.

⁷ Tihiko, boe ɔwaɛ kī boátuno kale, aayabi mi yī akū fɔletsa flee. Enye boe ɔkɔba ɔsumune kī yadi ɔnokɔali ne boe ɔlate adzuma a kame.

⁸ Ade foesū nlamɛna ye kado ne mi sekē kī ɛyaabi mi boe akū fɔletsa, lɔkɔa edo mi kɔbē.

⁹ Onesimo, boe ɔwaɛ kī yadi ɔnokɔali, kī enye mi kame ɔmoa a, aatomɔ ye beya ne mi sekē. Baabi mi letsa nye letsa kī lelamɛna kaya ne awī a flee.

¹⁰ Aristarko, kī bomo ye waa kola a, awɔna mi. Ade ayea Marko, Barnaba ɔwaɛnyole leme awɔna mi a. Īnya lotɔ nkpa mi kanyi kī nte Marko ya ni, mite ye mo kawɔle.

¹¹ Yosua kī bibuki bave Yusto leme awɔna mi. Bati elalɛ kī odi nye Yudafo kī bedani

Kristofɔ bakena mo yĩ adzuma a bokpa Baguma legākanyakɔ a. Ade ye ale kado yĩ a.

¹² Epafra, Kristo osumune, kĩ enye mi kame omɔa a leme awɔna mi. Yabɔa mpaɛ mo osĩ mo osĩ luwi daa ne mi lolɔ kĩ midza pintii, mibo ane mikpɔla ne katekado kame, lokɔa mikena Baguma kawɛ ne letsa nye letsa kame.

¹³ Yĩ moawe a maapuli ndi ye akũ adansie kĩ yakena adzuma mo osĩ mo osĩ kakpa mi, mo bati a kĩ bideĩ ne Laodikea mo Hierapoli.

¹⁴ Boe owaẽ Luka, tutsonu okenane a kĩ boátuno kale a, mo Dema awɔna mi.

¹⁵ Miwɔna boe bawaẽ a kĩ bideĩ ne Laodikea mikpa boe. Ade ayea miwɔna boe owaẽ Nimfa mo asoli bati a kĩ batsena ne ye toto kame a leme mikpa boe a.

¹⁶ Nte mikã ovoli kĩ miyua ni, midã kĩ benakã ye bekpa asoli bati a kĩ bideĩ ne Laodikea leme. Ade ayea kene kĩ mi malo miakã ovoli a kĩ asoli bati a kĩ bideĩ ne Laodikea aakɔa bema mi a.

¹⁷ Ne kawũna a, mibi Arkipo kĩ boe Olate osum adzuma a kĩ bekɔa bido ne ye awe a ni, edã kĩ ekena ye ewũna pepepe.

¹⁸ Yĩ Paulo moawe lekɔa yĩ awe ntsɛle kawɔna foletsã kĩ. Mite ane kĩ mbuki nwaa kɔla!
Baguma konyakamo a, kitomo mi.

Tuwuli

Tuwuli: Baguma Apam Vɔɔ a Tuwuli New Testament

copyright © 2008 Wycliffe Bible Translators, Inc.

Language: Tuwuli

Contributor: Wycliffe Bible Translators, Inc.

All rights reserved.

2025-04-29

PDF generated using Haiola and XeLaTeX on 28 Apr 2025 from source files dated 29 Apr 2025

68df0193-2981-5275-8994-8f743fe01e5e